

極樂發願文

宗喀巴大師 造 / 法尊法師 譯

文殊菩薩化身西藏黃教喇嘛至尊宗喀巴大師寫此「往生西方極樂世界發願文」，為修淨土善信之無上寶典，至誠發願，至誠誦持此文，必得往生極樂世界。

敬禮南無宗喀巴大師

敬禮南無阿彌陀佛大導師

勝行無盡利有情 一念永棄死王畏
恆愍衆生如愛子 禮天人師阿彌陀
能仁數稱讚 最勝極樂刹 發願往生文 隨力而宣說
無明障取捨 瞋劍斬善趣 貪索繫生死 業水漂有海
老病苦浪擊 將入死鯨口 非愛苦擔逼 無依苦哭喚
啓白願證成 救苦無量光 觀音大勢至 並及多眷屬
多劫爲度生 莫忘所發心 如鵬飛於空 現通速降臨
今依自他三世所集資糧大海總集之力。

願我臨終現見阿彌陀觀音勢至。海衆圍繞。爾時緣於佛及聖衆。發殷重信。無支解苦。具足信境。明記不忘。死已無間。八大菩薩現通而至。示與往生極樂之路。依此得生極樂國土。寶蓮華中。利根大乘。

願生已無間。證得無量陀量羅尼。三摩地。無緣菩提心。無盡辯才等功德寶藏。承事供養無上大師阿彌陀等十方諸佛菩薩。受學大乘。

願如實了知諸法真義。刹那刹那以神通力遍往十方無央數佛刹。圓滿一切菩薩大行。

願生淨土已。以此猛利悲心發起無礙神通而還穢土。爲諸有情如其根器而說正法。皆悉立於諸佛所讚清淨妙道。

願速圓滿微妙大行。爲利無邊諸衆生故。速當成佛。

願捨壽行時。現見阿彌陀。海衆遍圍繞。信悲滿我身。中有初現起。八佛子示路。

化生極樂已°度濁土衆生°

乃至未得如是勝位°願一切生中得清淨身°聞思修習於佛聖教°教證二法°

願彼身不離善趣七種功德而爲莊嚴°

願如是一切生中得宿念°

願一切生中恆觀三有悉無堅實°欣慕解脫所有功德°於佛世尊善說法律而爲出家°

願出家之時°雖微小罪°悉皆無犯°究竟戒藏°證大菩提°如不動比丘°

願一切生中如實了知染淨已°究竟支中°明記受持諸法文義°獲得圓滿大陀羅尼°

願如自所受爲他宣說°獲得清淨無礙辯才°

願一切生中得健行等三摩地門°肉等諸眼°神境等通°

願一切生中得廣大慧°自力能辨諸所捨處°

願獲明了慧°能無紊亂°如實簡擇°雜染清淨°最微細處°

願證速急慧°不解邪解°猶預意樂°生已無間°無餘永滅°

願得甚深慧°於他不能持佛所說文義°無滯能入°

願總遠離一切過失°以慧簡擇佛經文義°由巧便慧究竟一切諸菩薩行°如曼殊尊°

願獲得如是廣博明了速疾深慧°爲欲攝受賢善°降伏邪說°喜悅智所有支分°謂緣一切佛教獲得說辯論著作善巧究竟°

願一切生中破除樂著自利作意°及初一切菩薩大行退懼意樂°愛樂利他到達智力第一彼岸°由於巧便大菩提心°究竟一切諸菩薩行°如觀自在°

願一切生中行二利時°摧伏一切魔外他論°由巧便力究竟一切諸菩薩行°如秘密主°

願一切生中永離懈怠°精進圓滿大菩提行°從初發心剎那不廢°由大精進證大菩提°猶如無等釋迦法王°

願一切生中能摧一切身心疾病°菩提障難°略稱其名°便能滅身語意一切痛苦°如藥師佛°

願一切生中欲壽究竟°略稱其名°能壞一切非時橫死°如阿彌陀佛°

願有命難時°得見阿彌陀佛°四種事中隨順調伏°示現化身°見已無間°一切命

難悉皆消滅°

願於如應調伏所現身了知°即是阿彌陀佛°生堅固信°由此力故°一切生中°不離阿彌陀°爲善知識°

願一切生中°常爲世出世間°一切功德根本°具足德相°大乘善友°歡喜攝受°

願被攝受時°於善知識獲不壞信°由一切門承事歡喜°

願凡其所不喜°剎那不作°

願善友開示一切圓滿教授教誡°

願如實了悟一切義已究竟正行°

願剎那不隨惡師惡友增上而轉°

願一切生中證悟一切°深信業果°永出離心°大菩提心°清淨正見°無有功用任運恆轉°

願一切生中身語意業一切善根°唯成利他及清淨大菩提因°

乃至我未得 能仁最勝位 願得修道身 出家念宿命°

總持辯才定 通等功德藏 無比智悲力 速滿菩提行°

非時死相現 即見彌陀身 摧壞死王力 證無死持明

彌陀一切生 作大乘知識 於佛所讚道 剎那不退轉

若時棄有情 生起自利心 不愚利他事 巧便行利他

願誦憶我名 諸受惡業果 得圓滿安樂 上昇大乘梯

略明佛子傳 修菩薩行障 消滅諸順緣 如意皆成辦

釋迦法王無量光 彌勒妙音秘密主

觀意海衆緣起力 如是諸願速圓滿

吉祥圓滿

往生極樂世界發願文終

阿彌陀佛心咒

唵 阿彌多哇舍以